



Llywodraeth Cymru

Dogfen Ymgynghori

Gweithredu Deddf Gwasanaethau Cymdeithasol a Llesiant (Cymru) 2014

Rheoliadau a chanllawiau statudol mewn
perthynas â Rhan 7 o'r Ddeddf, ar Ddiogelu

Dyddiad cyhoeddi: **6 Tachwedd 2014**

Camau i'w cymryd: Ymatebion erbyn **2 Chwefror 2015**

Trosolwg

Mae'r ymgynghoriad hwn yn gofyn am eich barn ar y rheoliadau, codau ymarfer a'r canllawiau statudol sy'n cael eu gwneud i gefnogi awdurdodau lleol a'u partneriaid i gyflawni gofynion Deddf Gwasanaethau Cymdeithasol a Llesiant (Cymru) 2014.

Sut i ymateb

Gallwch ymateb i'r ymgynghoriad hwn drwy lenwi'r ffurflen ymateb i'r ymgynghoriad ar ddiwedd y ddogfen hon, a'i dychwelyd i ni erbyn y dyddiad cau, drwy'r post i:

Y Gangen Gweithredu Gwasanaethau
Cymdeithasol Cynaliadwy
Y Gyfarwyddiaeth Gwasanaethau Cymdeithasol
Llywodraeth Cymru
Adeiladau'r Goron
Parc Cathays
Caerdydd
CF10 3NQ

Neu mae'r ffurflen ymateb i'r ymgynghoriad ar gael ar ein gwefan (www.wales.gov.uk/consultations/?lang=cy) a gallwch ei dychwelyd i ni drwy e-bost ar: sswbimplementation@Wales.GSI.Gov.UK.

Rhagor o wybodaeth a dogfennau cysylltiedig

Gallwch ofyn am fersiynau o'r ddogfen hon mewn fformat hygyrch, gan gynnwys MS Word, print bras neu Braille, neu mewn ieithoedd eraill.

Gwasanaethau Cymdeithasol Cynaliadwy i Gymru: Fframwaith Gweithredu:
www.wales.gov.uk/topics/health/publications/socialcare/guidance1/services/?skip=1&lang=cy

Gweithredu'r Weledigaeth Adroddiad y comisiwn annibynnol ar Wasanaethau Cymdeithasol yng Nghymru
www.icssw.org/vision/?skip=1&lang=cy

Adroddiad Comisiwn y Gyfraith ar Ddeddfwriaeth Gofal Cymdeithasol i Oedolion:
www.lawcommission.justice.gov.uk/areas/adult-social-care.htm

Ymgynghoriad ar Fil Gwasanaethau Cymdeithasol a Llesiant (Cymru):
www.wales.gov.uk/consultations/healthsocialcare/bill/?skip=1&lang=cy

Taflenni Llywodraeth Cymru ar Wybodaeth, Cyngor a Chymorth, Asesu, Cynllunio Gofal a Gofalwyr:

www.wales.gov.uk/topics/health/socialcare/act/resources/?skip=1&lang=cy

Deddf Gwasanaethau Cymdeithasol a Llesiant (Cymru) 2014:

www.legislation.gov.uk/cy/anaw/2014/4/contents/enacted

Y Fframwaith Canlyniadau Cenedlaethol ar gyfer pobl sydd angen gofal a chymorth a gofalwyr sydd angen cymorth (dogfen waith):

www.wales.gov.uk/topics/health/socialcare/well-being/?skip=1&lang=cy

Datganiad Llesiant ar gyfer pobl sydd angen gofal a chymorth a gofalwyr sydd angen cymorth:

www.cymru.gov.uk/topics/health/publications/socialcare/reports/ish/?lang=cy

Bwriad polisi - Rheoliadau ac is-ddeddfwriaeth arall o dan y Bil Gwasanaethau Cymdeithasol a Llesiant:

www.wales.gov.uk/topics/health/publications/socialcare/guidance1/8420843/?skip=1&lang=cy

Adroddiad cychwynnol y Panel Cynghori ar Ddiogelu:

www.cymru.gov.uk/topics/health/publications/socialcare/reports/ish/?lang=cy

Manylion cysylltu

I gael rhagor o wybodaeth:

Y Gangen Gweithredu Gwasanaethau
Cymdeithasol Cynaliadwy
Y Gyfarwyddiaeth Gwasanaethau Cymdeithasol
ac Integreiddio
Adeiladau'r Goron
Parc Cathays
CAERDYDD
CF10 3NQ

ebost: sswbimplementation@wales.gsi.gov.uk
ffôn: 029 2080 1172

Diogelu data

Sut y byddwn yn defnyddio'r farn a'r wybodaeth a roddwch inni

Bydd unrhyw ymateb a anfonwch atom yn cael ei weld yn llawn gan staff Llywodraeth Cymru sy'n gweithio ar y materion y mae'r ymgynghoriad hwn yn ymdrin â nhw. Mae'n bosibl y bydd aelodau eraill o staff

Llywodraeth Cymru yn gweld yr ymateb hefyd, er mwyn eu helpu i gynllunio ymgynghoriadau ar gyfer y dyfodol.

Mae Llywodraeth Cymru yn bwriadu cyhoeddi crynodeb o'r ymatebion i'r ddogfen hon. Mae'n bosibl hefyd y byddwn yn cyhoeddi'r ymatebion yn llawn. Fel arfer, bydd enw a chyfeiriad (neu ran o gyfeiriad) yr unigolyn neu'r sefydliad a anfonodd yr ymateb yn cael eu cyhoeddi gyda'r ymateb. Mae hynny'n helpu i ddangos bod yr ymgynghoriad wedi'i gynnal yn briodol. Os nad ydych yn dymuno i'ch enw a'ch cyfeiriad gael eu cyhoeddi, rhowch wybod i ni yn ysgrifenedig wrth anfon eich ymateb. Byddwn wedyn yn cuddio'ch manylion.

Mae'n bosibl y bydd yr enwau a'r cyfeiriadau y byddwn yn eu cuddio yn cael eu cyhoeddi'n ddiweddarach, er nad yw hynny'n debygol o ddigwydd yn aml iawn. Mae Deddf Rhyddid Gwybodaeth 2000 a Rheoliadau Gwybodaeth Amgylcheddol 2004 yn caniatáu i'r cyhoedd gael gweld gwybodaeth a gedwir gan lawer o gyrff cyhoeddus, gan gynnwys Llywodraeth Cymru. Mae hynny'n cynnwys gwybodaeth sydd heb ei chyhoeddi. Fodd bynnag, mae'r gyfraith hefyd yn caniatáu i ni gadw gwybodaeth yn ôl dan rai amgylchiadau. Os bydd unrhyw un yn gofyn am gael gweld gwybodaeth a gadwyd yn ôl gennym, bydd rhaid inni benderfynu a ydym am ei rhyddhau ai peidio. Os bydd rhywun wedi gofyn inni beidio â chyhoeddi ei enw a'i gyfeiriad, bydd hynny'n ffaith bwysig i ni ei chadw mewn cof. Fodd bynnag, fe allai fod rheswm pwysig dros orfod datgelu enw a chyfeiriad unigolyn, er ei fod wedi gofyn i ni beidio â'u cyhoeddi. Byddem yn cysylltu â'r unigolyn ac yn gofyn am ei farn cyn gwneud unrhyw benderfyniad terfynol i ddatgelu'r wybodaeth.

Rhagair

Mae Deddf Gwasanaethau Cymdeithasol a Llesiant (Cymru) 2014, a gafodd Gydsyniad Brenhinol ar 1 Mai 2014, yn creu system gyfreithiol newydd i wasanaethau cymdeithasol. Mae'n creu fframwaith sy'n dwyn ynghyd ac yn moderneiddio'r gyfraith ar gyfer gwasanaethau cymdeithasol yng Nghymru, gan gynyddu'r pwyslais ar gamau ataliol, gan ddod â phobl yn agosach at benderfyniadau am y gwasanaethau sy'n effeithio arnynt, a mynd i'r afael â heriau newid economaidd a demograffig.

Byddwch i gyd yn ymwybodol o'r egwyddorion Gofal Iechyd Darbodus rwyf wedi eu lledaenu ar gyfer y sector iechyd. Mae'r newid diwylliannol tuag at yr ymyriadau priodol lleiaf posibl, 'gwnewch yr hyn y gallwch chi yn unig ei wneud', hyrwyddo tegwch ac ailfodelu'r berthynas rhwng y defnyddiwr a'r darparwr ar sail cydgynhyrchu wedi ei groesawu'n eang mewn lleoliadau gofal iechyd ond mae ei egwyddorion yn ymestyn yn ehangach ac yn cyffwrdd â chraidd gwasanaethau cymdeithasol yng Nghymru, gan adlewyrchu'r canolbwynt ar lais y dinesydd, rheolaeth y dinesydd a chydgyhyrchu a nodwyd yn Gwasanaethau Cymdeithasol Cynaliadwy. Yr her ym maes gofal cymdeithasol, fel ym maes gofal iechyd, yw datblygu modelau gwasanaeth cynaliadwy, o ran adnoddau ariannol ac adnoddau'r gweithlu, i'n helpu i reoli'r galw yn effeithiol a bod yn gyfartal ac yn deg i bawb. Dylem ymdrechu i hyrwyddo annibyniaeth ac nid dibyniaeth ac, a defnyddio ymadrodd a ddefnyddiwyd gennym flynyddoedd lawer yn ôl; mae angen inni hefyd ystyried sut rydym yn ychwanegu 'bywyd at flynyddoedd' nid dim ond 'blynyddoedd at fywyd'. Drwy gymhwyso'r egwyddorion hyn i weithredu Deddf Gwasanaethau Cymdeithasol a Llesiant (Cymru) 2014 ein nod yw cyflawni system sy'n addas ar gyfer anghenion pob defnyddiwr.

Bydd y fframwaith statudol newydd ar gyfer darparu gwasanaethau cymdeithasol yn cynnwys tair rhan. Mae'r rhan gyntaf, y Ddeddf ei hun, eisoes yn ei lle. Bydd y ddwy ran arall yn cynnwys rheoliadau a chodau ymarfer neu ganllawiau statudol, a fydd yn helpu i gyflenwi'r manylion ac yn helpu'r rhai sy'n gyfrifol am swyddogaethau o dan y Ddeddf i ddeall sut y dylent gyflawni'r rhain.

Cafodd bwriad polisi Llywodraeth Cymru mewn perthynas â'r prif grwpiau o bwerau i wneud rheoliadau o dan y Ddeddf eu nodi mewn datganiad ysgrifenedig a gyhoeddwyd gan y Dirprwy Weinidog Gwasanaethau Cymdeithasol blaenorol ar 30 Ionawr 2014. Mae'r rheoliadau a'r canllawiau

statudol a nodir yn y ddogfen ymgynghori hon yn troi'r bwriad polisi hwn yn ffurf bendant ac yn cyflenwi'r ddwy ran arall o'r fframwaith statudol sy'n weddill.

Er mwyn cyrraedd y pwynt hwn, mae fy swyddogion wedi bod yn gweithio'n agos gyda rhanddeiliaid drwy gyfres o grwpiau technegol i ddatblygu a mireinio manylion ein polisi ar gyfer rheoliadau, codau ymarfer a chanllawiau statudol. Hoffwn roi teyrnged i'r rhanddeiliaid hynny, ac i ddiolch iddynt am eu cyfraniad gwerthfawr at y broses o wireddu'r Ddeddf.

Fy mwriad i yw y byddwn, drwy ymgynghori ar y rheoliadau hyn a'u gosod gerbron y Cynulliad, yn gallu cyflwyno system gydlynol o asesu, penderfynu a chymhwysra a chynllunio gofal gyda'n gilydd, yn ogystal â sicrhau bod taliadau uniongyrchol ar gael fel un ffordd o ddiwallu anghenion, a chreu fframwaith pwerus newydd ar gyfer diogelu.

Yn unol â Chod Asesiad Effaith Rheoleiddiol Gweinidogion Cymru ar gyfer is-ddeddfwriaeth, rwyf yn ymrwymedig i gynnal asesiad effaith rheoleiddiol llawn ar gyfer y rheoliadau i'w gwneud o dan y Ddeddf. Byddaf wrth gwrs yn defnyddio'r dystiolaeth a gesglir fel rhan o'r broses ymgynghori hon i lywio'r asesiad hwn a gobeithio y byddwch chi fel rhanddeiliaid yn achub ar y cyfle a gynigir drwy ein cwestiynau ymgynghori i gyfrannu at hyn.

Rwyf yn bwriadu i'r rheoliadau hyn, y codau ymarfer cysylltiedig a'r canllawiau statudol gael eu gosod gerbron y Cynulliad ym mis Mai 2015.

Bydd yr ail gyfres o is-ddeddfwriaeth ar gael ar gyfer ymgynghori arni o fis Mai 2015, unwaith eto wedi ei hategu gan ymgysylltu â rhanddeiliaid a gwaith grwpiau technegol a chynghori. Bydd y gyfres hon yn creu system sy'n sicrhau canlyniadau i blant sy'n derbyn gofal a phlant sy'n cael eu lletya, yn ysgogi cydweithredu rhanbarthol ac yn gweithredu system o godi ffioedd, asesu ariannol a thalu am ofal, yn cynorthwyo gwneud sylwadau a darparu eiriolaeth, ac yn mynd i'r afael â'r materion a godwyd gan fethiant darparwr.

Yn dilyn ymgynghoriad cyhoeddus llawn rwyf yn bwriadu i'r rheoliadau hyn, eu codau ymarfer cysylltiedig a'r canllawiau statudol gael eu gosod gerbron y Cynulliad yn ystod gaeaf 2015.

Mae'r gwaith rwyf yn ei ddisgrifio yn adeiladu ar y consensws cenedlaethol sydd gennym ar gyfer y newidiadau y mae angen inni eu gwneud. Mae'r holl agweddau allweddol ar ddatblygu Gwasanaethau Cymdeithasol Cynaliadwy

yn cael eu cynnal gyda chyfranogiad agos dinasyddion ac arweinyddiaeth gref gan lywodraeth leol, y GIG a darparwyr yn y sector preifat a'r trydydd sector. Byddaf yn parhau i weithio gyda'r Fforwm Partneriaeth Cenedlaethol, y Grŵp Arweinyddiaeth a Phanel y Dinasyddion i gynorthwyo hyn, a sicrhau bod pobl sy'n defnyddio gwasanaethau yn parhau wrth wraidd ein rhaglen ar gyfer newid.

Mark Drakeford AC
Y Gweinidog Iechyd a Gwasanaethau Cymdeithasol

Yr ymgynghoriad hwn

Mae'r ymgynghoriad hwn yn ceisio eich barn ar y rheoliadau a'r canllawiau statudol sydd wedi eu datblygu er mwyn helpu awdurdodau lleol a'u partneriaid i weithredu Rhan 7 o Ddeddf Gwasanaethau Cymdeithasol a Llesiant (Cymru) 2014 ("y Ddeddf").

Gwneir y rheoliadau o dan yr adrannau priodol o'r Ddeddf, a chyhoeddir y canllawiau statudol o dan adrannau 131(1) a 139(3) o'r Ddeddf.

Mae'r ddogfen ymgynghori hon yn ymwneud â'r rheoliadau drafft a'r canllawiau statudol ar **ddiogelu**, sy'n deillio o Ran 7 o'r Ddeddf. Mae'n canolbwyntio ar agweddau creiddiol y newidiadau rydym yn ceisio eu gweithredu drwy'r Ddeddf. Yn dilyn yr ymgynghoriad, ein bwriad yw y bydd y Canllawiau yn cael eu cydgrynhoi fel rhan o'r fframwaith diogelu a ategir gan Diogelu Plant: Gweithio gyda'n Gilydd o dan Ddeddf Plant 2004 (LICC 2006) ac Mewn dwylo diogel: rhoi gweithdrefnau amddiffyn oedolion ar waith yng Nghymru (LICC 2000).

Beth yw'r sefyllfa ar hyn o bryd?

Mae Deddf Gwasanaethau Cymdeithasol a Llesiant (Cymru) 2014 wedi cael Cydsyniad Brenhinol ar 1 Mai 2014. Mae'r Ddeddf yn sail i fframwaith statudol newydd ar gyfer gofal cymdeithasol yng Nghymru.

Mae'r canolbwynt bellach yn troi at weithredu'r Ddeddf. Mae Gweinidogion Cymru wedi egluro eu bod yn dymuno i elfennau craidd y fframwaith statudol newydd fod yn eu lle ar gyfer mis Ebrill 2016, pan fydd y Ddeddf yn cael ei gweithredu.

Bydd y fframwaith statudol yn cynnwys tair prif elfen, sef y Ddeddf ei hun, rheoliadau a wnaed o dan y Ddeddf, a chodau ymarfer/canllawiau statudol. Bydd y tair elfen hyn yn gweithio gyda'i gilydd i ffurfio'r fframwaith y bydd gwasanaethau cymdeithasol a phartneriaid perthnasol yn gweithredu ynddo o fis Ebrill 2016.

Mae'r rheoliadau a'r canllawiau statudol wedi bod yn cael eu datblygu drwy broses ymgynghori â rhanddeiliaid allweddol a gynhaliwyd gan y Panel Cynghori ar Ddiogelu.

Sefydlwyd y Panel Cynghori ar Ddiogelu gan y Dirprwy Weinidog i ddarparu cyngor ynghylch agweddau penodol ar y cynigion a gynhwysir ym Mil Gwasanaethau Cymdeithasol a Llesiant (Cymru) 2013 sy'n ymwneud â Diogelu ac Amddiffyn plant ac oedolion.

Ymgysylltodd y panel ag amrywiaeth o randdeiliaid drwy weithdai, cyfarfodydd unigol a thrafodaethau ac arweiniodd hyn at lunio argymhellion mewn adroddiad a ddarparwyd ym mis Tachwedd 2013. Cyhoeddodd y Dirprwy Weinidog yr adroddiad ym mis Chwefror 2014.

Mae'r Panel Cyngori ar Ddiogelu wedi parhau i gyfrannu at ddatblygu rheoliadau a chanllawiau'r is-ddeddfwriaeth gan sicrhau bod barn defnyddwyr gwasanaethau a grwpiau rhanddeiliaid eraill yn cael eu trafod a'u hadlewyrchu.

Cyflwynir canlyniad y gwaith hwn yn awr i randdeiliaid ledled Cymru er mwyn cael eu cyfraniad.

Y dystiolaeth ar gyfer newid

Nodwyd y dystiolaeth ar gyfer newid yn *Gwasanaethau Cymdeithasol Cynaliadwy: Fframwaith Gweithredu*¹ ac yn yr ymgynghoriad ar y Bil Gwasanaethau Cymdeithasol (Cymru), a nododd egwyddorion allweddol y Bil.

Mae gwasanaethau cymdeithasol yn ganolog i fywyd cyhoeddus Cymru. Caiff 150,000 o bobl ifanc, pobl hŷn a phobl anabl gymorth ganddynt bob blwyddyn i gyflawni eu potensial ac i'w helpu i fod yn ddiogel. Darperir llawer o'r gwasanaethau hyn mewn partneriaeth ag eraill, gan gynnwys gwasanaethau tai, iechyd ac addysg. Mae'r gymdeithas yn newid a rhaid i wasanaethau cymdeithasol newid mewn ymateb i hyn. Bu newid yn nisgwyliadau'r cyhoedd o wasanaethau cymdeithasol a bydd hyn yn parhau, o ganlyniad i newid demograffig a newidiadau yn ein cymdeithas. Mae angen i wasanaethau cymdeithasol addasu ac ymateb i bob un o'r rhain.

At hynny, mae'r galw yn cynyddu ar draws gwasanaethau cymdeithasol, ond mae'r rhagolwg ariannol ar gyfer yr holl wasanaethau cyhoeddus yn un anodd. Er ein bod wedi diogelu gwariant ar wasanaethau cymdeithasol, mae angen inni wneud newid mwy sylfaenol na dim ond mynd ar drywydd y mesurau effeithlonrwydd amlwg er mwyn inni sicrhau bod gwasanaethau cymdeithasol yn gynaliadwy. Mae ein Papur Gwyn *Gwasanaethau Cymdeithasol Cynaliadwy i Gymru: Fframwaith Gweithredu* yn nodi rhaglen o newid i ateb yr heriau hyn yn seiliedig ar y naw egwyddor ganlynol:

- Llais cadarn a rheolaeth go iawn
- Cefnogi ein gilydd
- Diogelwch
- Parch
- Adfer ac ailsefydlu
- Addasu i amgylchiadau newydd
- Sefydlogrwydd
- Symlwrwydd
- Proffesiynoldeb

Mae'r rhain wedi eu llywio gan drafodaethau â rhanddeiliaid a dadleuon yng Nghynulliad Cenedlaethol Cymru ac mewn mannau eraill ers i *Gwasanaethau Cymdeithasol Cynaliadwy i Gymru* gael ei gyhoeddi. Maent ochr yn ochr â thystiolaeth y Comisiwn Annibynnol ar Wasanaethau Cymdeithasol yng

¹ Gweler **Rhagor o wybodaeth a dogfennau cysylltiedig**

Nghymru², adolygiad Comisiwn y Gyfraith³ o ddeddfwriaeth gofal cymdeithasol i oedolion, a'n Hadolygiad o Ddiogelu. Mae'r cyfan yn asgwrn cefn ein hachos dros newid.

Mae'r dystiolaeth hon, a'r broses o'i hystyried drwy'r broses graffu genedlaethol ar y Bil, wedi llywio a llunio cynnwys y Ddeddf. Mae'r cam nesaf, datblygu'r rheoliadau a'r codau ymarfer neu'r canllawiau statudol, wedi ei lywio gan gyfraniadau strategol allweddol fel *Mwy na Geiriau*, ein Fframwaith Strategol ar gyfer Gwasanaethau Cymraeg mewn lechyd, Gwasanaethau Cymdeithasol a Gofal Cymdeithasol⁴, a chan dystiolaeth a gafwyd drwy grwpiau technegol a oedd yn cynnwys rhanddeiliaid allweddol. Mae'r grwpiau hyn wedi edrych ar ddarpariaethau'r Ddeddf, a'r polisi sy'n sail i'r rhain, yn fanwl, a rhoi cyngor i swyddogion ar sut y dylai'r rheoliadau a'r codau ymarfer neu ganllawiau statudol gael eu llunio er mwyn cyflawni nodau'r Ddeddf a, thrwy hyn, gyflawni gofynion *Gwasanaethau Cymdeithasol Cynaliadwy: Fframwaith Gweithredu*. Mae'r broses hon wedi sicrhau amrywiaeth o gyfraniadau gwerthfawr y mae swyddogion Llywodraeth Cymru wedi eu defnyddio i datblygu'r rheoliadau drafft a'r canllawiau statudol a gwmpesir gan yr ymgynghoriad hwn.

Y cynigion

Rydym yn cynnig cryfhau'r trefniadau ar gyfer plant sy'n wynebu risg drwy gyflwyno adroddiadau, a thrwy ailsefydlu Byrddau Diogelu Plant ar ôl troed rhanbarthol.

Mae Rhan 7 hefyd yn cyflwyno deddfwriaeth newydd i ddiogelu oedolion sy'n wynebu risg. Mae'r fframwaith newydd hwn yn cyflwyno dyletswydd i roi gwybod i'r awdurdod lleol am oedolion sy'n wynebu risg; dyletswydd i'r awdurdod lleol wneud ymholiadau o ran a yw oedolyn yn wynebu risg ac a oes angen cymryd unrhyw gamau gweithredu; a, Gorchymyn Amddiffyn a Chynorthwyo Oedolyn newydd a fydd yn caniatáu i swyddog awdurdodedig fynd i mewn i eiddo i siarad ag oedolyn yn breifat a dyfarnu a yw'r oedolyn yn gwneud penderfyniadau o'i wirfodd ac a oes angen unrhyw gamau gweithredu. Mae Rhan 7 hefyd yn darparu ar gyfer Byrddau Diogelu Oedolion a sefydlir ar ôl troed cyfochrog â'r Byrddau Diogelu Plant.

Bydd Bwrdd Diogelu Annibynnol Cenedlaethol yn cael ei greu i gynghori a chynorthwyo Byrddau Diogelu ac i wneud argymhellion i Weinidogion Cymru er mwyn cryfhau diogelu yng Nghymru. Er nad yw canllawiau statudol yn ofynnol mewn perthynas â'r Bwrdd Diogelu Annibynnol Cenedlaethol rydym wedi darparu gwybodaeth i gynorthwyo rhanddeiliaid i ystyried sut y gall y Byrddau Diogelu gall eu cynorthwyo gan y Bwrdd Diogelu Annibynnol Cenedlaethol i arfer eu swyddogaeth statudol.

Ceir crynodeb manylach o'n cynigion yn y **Crynodeb Gweithredol yn Atodiad A**.

² Gweler **Rhagor o wybodaeth a dogfennau cysylltiedig**

³ <http://wales.gov.uk/topics/health/publications/socialcare/reports/advisory/?lang=en>

⁴ <http://wales.gov.uk/topics/health/publications/health/guidance/words/?lang=en>

Dogfennau ymgynghori

Mae'r ymgynghoriad hwn yn ceisio eich sylwadau a'ch barn ar y dogfennau allweddol canlynol:

- Drafft o **Orchmynion Amddiffyn a Chynorthwyo Oedolion (Swyddog Awdurdodedig) (Cymru) 2015** (Atodiad B)
- Drafft o **Reoliadau Byrddau Diogelu (Swyddogaethau a Gweithdrefnau) (Cymru) 2015** (Atodiad C)
- Drafft o **Reoliadau'r Bwrdd Diogelu Annibynnol Cenedlaethol (Cymru) 2015** (Atodiad D)
- Drafft o **Reoliadau Byrddau Diogelu (Cyffredinol) (Cymru) 2015** (Atodiad E)
- Drafft o'r **Canllawiau Statudol a gyhoeddwyd mewn perthynas â Diogelu o dan Ran 7 o Ddeddf Gwasanaethau Cymdeithasol a Llesiant (Cymru) 2015** (Atodiad F)

Ceir ffurflen ymateb i'r ymgynghoriad yn **Atodiad G**.

**Ffurflen Ymateb
i'r
Ymgynghoriad**

Eich enw:

Sefydliad (os yw'n berthnasol):

e-bost / rhif ffôn:

Eich cyfeiriad:

Diogelu							
1. I ba raddau rydych yn cytuno y dylai rôl y swyddog awdurdodedig (a all wneud cais am orchymyn amddiffyn a chynorthwyo oedolyn) gael ei gyfyngu i swyddog yr awdurdod lleol?							
Cytuno	☐	Tueddu i gytuno	☐	Tueddu i anghytuno	☐	Anghytuno	☐
Esboniwch							
2. I ba raddau rydych yn cytuno â'r partneriaid arweiniol a enwebwyd gan y Byrddau Diogelu ar gyfer pob Bwrdd Diogelu Plant a phob Bwrdd Diogelu Oedolion, fel y nodir yn adran 10.1?							
Cytuno	☐	Tueddu i gytuno	☐	Tueddu i anghytuno	☐	Anghytuno	☐
Esboniwch							
3. I ba raddau rydych yn cytuno bod swyddogaethau Bwrdd Diogelu yn cyd-fynd â'i brif flaenoriaethau?							
Cytuno	☐	Tueddu i gytuno	☐	Tueddu i anghytuno	☐	Anghytuno	☐
Beth arall y dylid ei ragnodi?							

4. I ba raddau rydych yn cytuno â'r meini prawf ar gyfer cynnal adolygiad cryno ac estynedig o Arfer i Oedolion?							
Cytuno	☐	Tueddu i gytuno	☐	Tueddu i anghytuno	☐	Anghytuno	☐
Os nad ydych yn cytuno, pa feini prawf y dylid eu defnyddio?							
5. I ba raddau rydych yn cytuno bod y canllawiau yn glir am gyfrifoldebau Byrddau Diogelu i sicrhau aelodaeth briodol?							
Cytuno	☐	Tueddu i gytuno	☐	Tueddu i anghytuno	☐	Anghytuno	☐
6. I ba raddau rydych yn cytuno bod y canllawiau yn glir am gyfrifoldebau Byrddau Diogelu i sicrhau ymgysylltu ag amrywiaeth eang o sefydliadau sy'n ymwneud â diogelu yn ardal y Bwrdd Diogelu?							
Cytuno	☐	Tueddu i gytuno	☐	Tueddu i anghytuno	☐	Anghytuno	☐
7. I ba raddau rydych yn cytuno bod y rheoliadau a'r canllawiau yn galluogi defnyddwyr i gyfranogi'n effeithiol yng ngwaith Byrddau Diogelu?							
Cytuno	☐	Tueddu i gytuno	☐	Tueddu i anghytuno	☐	Anghytuno	☐

8. I ba raddau rydych yn cytuno â chynnwys arfaethedig y cynllun blynyddol?							
Cytuno	☐	Tueddu i gytuno	☐	Tueddu i anghytuno	☐	Anghytuno	☐
Os nad ydych yn cytuno, esboniwch pam 							
9. I ba raddau rydych yn cytuno â chynnwys arfaethedig yr adroddiad blynyddol a nodir yn Atodlen 3 i Reoliadau Byrddau Diogelu (Cyffredinol) (Cymru)?							
Cytuno	☐	Tueddu i gytuno	☐	Tueddu i anghytuno	☐	Anghytuno	☐
Os nad ydych yn cytuno, esboniwch pam 							
10. I ba raddau rydych yn cytuno y dylai cyfraniadau ariannol gael eu rhagnodi ar gyfer pob partner Bwrdd Diogelu?							
Cytuno	☐	Tueddu i gytuno	☐	Tueddu i anghytuno	☐	Anghytuno	☐

11. I ba raddau rydych yn cytuno bod y cynigion ar gyfer sicrhau cyfraniadau ariannol i'r Bwrdd Diogelu yn nodi trefniadau teg a chyfartal?							
Cytuno	☐	Tueddu i gytuno	☐	Tueddu i anghytuno	☐	Anghytuno	☐
12. Beth yw'r blaenoriaethau allweddol ar gyfer blwyddyn gyntaf y Bwrdd Diogelu Annibynnol Cenedlaethol?							
13. Sut y gellir datblygu trefniadau ar gyfer adolygu polisi a gweithdrefnau diogelu cenedlaethol o dan gyfrifoldebau'r Bwrdd Diogelu Annibynnol Cenedlaethol a'r Byrddau Diogelu?							
Arall							
Mae gan Lywodraeth Cymru ddiddordeb mewn deall a fydd y cynigion yn y ddogfen ymgynghori hon ynglŷn â Rhan 7: diogelu yn effeithio ar grwpiau â nodweddion gwarchodedig. Dyma'r nodweddion gwarchodedig: oed, anabledd, ailbennu rhyw, priodas a phartneriaeth sifil, beichiogrwydd a mamolaeth, hil, crefydd a chredo, rhyw, a chyfeiriadedd rhywiol.							
14. A ydych yn credu y bydd y cynigion yn yr ymgynghoriad hwn yn cael unrhyw effeithiau cadarnhaol ar grwpiau â nodweddion							

gwarchodedig? Os felly, pa rai a pham/pam ddim?	
15. A ydych yn credu y bydd y cynigion yn yr ymgynghoriad hwn yn cael unrhyw effeithiau negyddol ar grwpiau â nodweddion gwarchodedig? Os felly, pa rai a pham/pam ddim?	
16. Bydd ailgydbwyso'r system gofal a chymorth i gyflawni'r fframwaith cyfreithiol newydd yn galw am ailflaenoriaethu adnoddau. Beth yw'r camau allweddol sydd angen eu cymryd i gyflawni hyn?	
17. Rydym wedi gofyn nifer o gwestiynau penodol. Os oes gennych unrhyw faterion cysylltiedig nad ydym wedi mynd i'r afael â hwy'n benodol, defnyddiwch y gofod hwn i roi gwybod inni amdanynt.	
Mae'n bosibl y bydd yr ymatebion i'r ymgynghoriad yn cael eu cyhoeddi, naill ai ar y rhyngwrwyd neu mewn adroddiad. Os hoffech inni gadw'ch ymateb yn gyfrinachol, ticiwch y blwch.	
